

nent, ne à coniugibus prōauis natum Christum concedere cogantur. Euseb. lib. 4. cap. 28. Denique generationem liberorum opus & fœtum diabolicum vocant, quos refutat Clemens Stromat. lib. 3. Pelagiani hunc errorē interpolarunt, vt docet Augustinus libro 2. contra Pelag. cap. 33. 34. 35. Sed Syricius Papa Rom. aperte reuocauit, & suos Papistas docuit hunc ipsum errorem. Itaque quod Tacianī faciunt, etiam fœdum cœlibatum iusto coniugio prætulit, & planè contra id sensit quod est Hebr. 15. versu 4. Dictum Syricij extat in Can. Proposuisti. dist. 82. Cœlibatum autem prætulisse nuptiis Tacianos scribit Theodoretus, & hanc sententiam inter errores & blasphemias capita refenset.

5 Monogamiam tantum, quamquam inuiti, permittunt, id est, vt quis semel uxorem ducat, quam mortua ducere aliam omnino non concedunt. Quom quis enim aliam ducit priore defuncta, & illi & Clemens vocant Polygamiam, sed Clemens concessam esse homini Christiano defendit libro 3. Stromat. illi Tacianī negant. Hoc caput & semen Montanos postea peperit, qui hoc dogma falsissimum sequuti sunt, & postrema ætate defendit Tertullianus. 6 Negant Christum ex semine Davidis natum, ergo negant verum fuisse Messiam, & eum qui Patribus promissus fuit, Psal. 132. dum nuptias reiicere pergunt obstinatē. 7 Legem Moses damnat Tacianus, quod ea coniugiorum bendedictiones & proles promittuntur. Non enim esse eam Dei Euangeli, sed alterius asserunt, quod ex Marcionitis sumptum est: sed in tot blasphemias inciderunt, dum doctrinam suam de pollutione coniugiorum ambitiosè tueri contendunt. Atque sic